

定鄉小識卷十五

錢塘張道少南

石墨略

近世饒金石家亡友沈二癖嗜之嘗手拓曩山風水洞摩厓示余此道光丙午春事遂約搜摭故山事蹟實肇於此間輒同游危厓叢薜間睇玩忘勸旣沈君以學古文中輟且旋物故可痛也朱文公題名見聶氏志唐元和諸刻見兩浙金石志顧多譌損弗完完者忘友羶杵之力也取其拓本釋之疏之粲然矣

定鄉小識卷十五

一

復旁錄他刻成是書魏氏縣乘於金石析四例首金刻定鄉一粟他卽金刻無古且佳者雖埒末如無有也故但曰石墨略言石墨尙略耳吳越鐵井欄刻八卦文雲棲余知閣宅界石西湖志錄之余弗取也存說於古蹟略魏氏例不入墓志近諛且納幽也吳夫人誌碣實躍諸土書蹟可玩視李氏所錄唐姚處士宋孫花翁二志無文字者有間矣禾中新郡志鼎敦碑甌多取張氏藏類一家私書矧易徙非法定鄉卽窮僻時有購獲者要弗敢

麁此書志也嗟乎生人非貞石遊者之墓草  
數青矣弗獲覩是書之成然抑烏知石丈不  
盡壽而諸刻假翰墨乃克千古耶是又數之  
不可必已

宋曹勛六和塔碑記 舊在六和塔 文詳梵剎志

宋尚書省牒碑 在六和塔內

尚書省牒 大字 牒文 小字正書 牒奉敕宜賜

開化寺為額牒至准敕故牒 大字 少保尚書左

僕射同中書門下平章事簽書樞密院事兼權參

知政事錢 押 同簽書樞密院兼權參知政事虞

定鄉小識卷十五 二

押並大字 隆興二年十二月日牒 大字 付僧

智曇劄 押 付開化寺劄 小字正書

乾道元年七月日 押 乾道元年八月日

押臨安府印

宋修六和塔磚記 在塔內磚刻字陽文首題大宋

國末書辛巳四月

宋觀世音經像碑 在六和塔

佛說觀世音經 前有大士圓光小像經文 已定

居士董仲永向施小字觀音經後以湮沒遂成中  
輟今復命工刻經於石用廣其施又求得菩薩妙

相李伯時墨本同刻諸石作無盡施仲永稽首令

掌說偈偈不錄時紹興二年歲次壬子中元日記

小楷書此段在經文前  
冠以觀音佛趺坐像

宋金剛經碑 在六和塔

金剛般若波羅密經真行書各體不具名款如  
經文分三十二段經不錄

昔熙甯盛時賈文元公與名德耆舊三十有二人

為僧智利悟朋其書金剛經一卷今朝廷奠安四

方無虞六和塔主僧智曇請於親貴鉅公接踵前

規合同寫此外跋隸書  
下文缺

宋佛說四十二章經碑 在六和塔

定鄉小識卷十五

三

特進尚書左僕射同中書門下平章事吳興郡開

國公沈該段第一左正奉大夫守尚書右僕射同

中書門下平章事縉雲郡開國公湯思退段第二

左中大夫知樞密院事陳誠之段第三左中大夫

參知政事陳康伯段第四左太中大夫同知樞密

院事三綸段第五左太中大夫權吏部尚書賀允

中段第六左朝請郎試尚書吏部侍郎兼史館

修撰兼侍講葉義問段第七左朝請大夫試尚書

兵部侍郎兼侍講兼直學士院楊椿段第八左朝

散郎試給事中兼直學士院兼同修國史周麟之

段第九 左朝散郎試中書舍人兼權樞密都承旨

洪遵 段第十 左朝散大夫充敷文閣待制提舉佑

神觀楊偁 段第十 左朝奉大夫權尚書吏部侍郎

沈介 段第十 左中奉大夫權尚書戶部侍郎趙令

諛 段第十 左朝奉大夫權尚書禮部侍郎兼侍講

孫道夫 段第十 左朝請郎權尚書工部侍郎王

晞亮 段第十 左朝請郎權尚書刑部侍郎兼權詳

定一司敕令黃祖舜 段第十 左宣教郎試起居舍

人兼權中書舍人張孝祥 段第十 左朝請大夫太

常少卿兼權中書門下省檢正諸房公事宋棐 第十

定鄉小識卷十五

四

段八 左朝奉大夫守宗正少卿金安節 段第十 右

朝請郎守大理少卿李洪 段第二 右朝議大夫司

農少卿董莘 段第二十 右中大夫行太府少卿錢

端禮 段第二十二 左朝奉大夫將作監張宗元 段第二

段十三 左朝請大夫軍器監張運 段第二十四 左

朝請大夫尚書吏部郎中楊朴 段第二十五 右朝

奉郎守尚書戶部郎中兼權金部郎中莫濛 段第二十六

段 右奉直大夫尚書刑部郎中路彬 段第二十七

左朝散郎守尚書工部郎中張廷實 段第二十八

左奉議郎守尚書吏部員外郎兼權尚書右司郎

官周操段第三十九行書 左朝奉郎尚書吏部員外郎

兼國史院編修官兼權樞密院檢詳諸房文字葉

謙亨段第三十行書 左朝奉郎尚書吏部員外郎兼國

史院編修官胡沆段第三十一行書 右朝散郎尚書司

勳員外郎陳俊卿段第三十行書 左宣教郎守尚書司

封員外郎鮑彪段第三十行書 左朝請郎尚書考功員

外陳棠段第三十四行書 左朝散郎尚書禮部員外郎楊

邦弼段第三十五行書 左朝奉郎尚書祠部員外郎兼權

國子司業張洙段第三十六行書 右承議郎尚書刑部員

外郎黃子淳段第三十七行書 左朝請郎尚書都官員

定鄉小識卷十五 五

外郎兼玉牒所檢討官兼權戶部員外郎楊倓第三段

段十八 左奉議郎守尚書比部員外郎沈樞第三十九段

段十八 左朝請大夫行尚書屯田員外郎韓彥直第四十段

行十書段 左承議郎祕書丞兼國史院編修官兼兵

部員外郎虞允文第四十一段 右奉議郎祕書省校

書郎兼國史院編修官兼權尚書駕部員外郎洪

邁第四十二段 聖宋紹興乙卯冬十一月旦西

蜀布衣武翊跋跋不錄 都勸緣住持傳慈恩宗教

僧智曇立石正書

李氏西湖志云六和塔大小諸經榻俱極一時

書人之選且字畫完好可玩

宋刻真武像碑

舊在真聖觀

清祐間命摹本  
進理宗為製贊

右碑魏氏以為在塔而翟氏云在塔側真聖觀  
言道士汪師隆藏有吳道子真武像清祐間鄭  
清之摹刻於石拓本上進理宗御製贊說本潛  
君高臨安志真武為道家崇奉宜在觀也然明  
田藝衡游五雲山記云六和塔燬已久中存宋  
理宗真武像石刻無恙則久自觀移至矣

宋歐陽修小草秋聲賦歸雁亭詩石刻 舊在真聖

觀雁或作鶴

定鄉小識卷十五

六

宋洪邁撰陳鑄城南堂記石刻 舊在真聖觀

宋趙汝談保壽院碑記 舊在保壽院今不存 文詳  
剡志

志

宋龐承寵天池寺碑記 舊在天池寺 文詳  
剡志

明劉夢謙雲棲免役碑記 在雲棲寺

明馮夢禎雲棲蘭若志石刻 在雲棲寺

明陶望齡雲棲寺碑記 在雲棲寺 文詳  
剡志

明董其昌雲棲寺碑記 在雲棲寺 文詳  
剡志

明余良樞萬年橋碑記 舊在范村南萬年橋側

萬年橋即宋橋

宋詹昌縣太君吳氏墓誌銘 在定南山

資政殿學士通議大夫知江甯軍 提舉本府學

事兼管內勸農使 南東路兵馬鈐轄上輕車

都尉河東縣開國伯食邑九百戶薛昂譔文

朝散大夫試禮部尚書騎都尉 縣開國子賜

紫金魚袋強淵明書丹

朝奉大夫充顯謨閣待制提舉杭州洞霄宮 都

尉文安縣開國男食邑三百戶賜紫金魚袋蔣靜

題蓋 誌十九行每行二十七字末行十找字除空

末行八字計文四百九十八字銘四行每行十六字  
勒六字碑首題銜百二十三字碑尾書錢塘陶揆模

定鄉小識卷十五

七

字俱正文  
詳古窆攷

是碑道光中桑柳村鋤山所獲兩石俱完好攷

誌文以政和六年四月丁酉奉夫人祔於杭州

錢塘縣定山朝奉君之墓次則定南山古亦統

隸定山矣薛強蔣宋史俱有傳昂字肇明杭州

人元豐八年焦蹈榜進士官至資政殿大學士

吳越太尉居正三世孫淵明字隱季錢塘人至

子與薛昂同第歷濟杭二州教授大觀三年知

越州 見紹興 卒贈資政殿學士淵明與兄俊明

陟胆齊名 浙東提刑陟明元祐六年進士 官靜

字叔明宜興人第進士官安仁令後以大司成  
出知洪州告歸加直學士是碑書法俊挺逸秀  
近虞褚無碑版習氣且完好可玩石縱長二尺  
五寸橫徑三尺淵明能書顯宦而名僅附見父  
傳固亦有幸不幸然由志乘率苟故也又刻工  
陶揆亦鐫字世家也揆之先有陶翼陶拱家嬪  
是業見慈雲嶺石龍院石刻僧冲羽書心印銘  
末云陶翼并男拱  
鐫字天宋皇祐癸巳歲七月草堂  
僧慎微糾同志刻于石龍院之厓揆拱疑爲兄  
弟兄又越中金石記載薛昂崇寧四年皇帝賜  
辟離詔後序銜稱承議郎試大司成兼侍講武

定鄉小識卷十五

八

騎尉保寧縣開國男食邑三百戶賜紫金魚袋  
臣薛昂奉聖旨撰并書後有承議郎守國子司  
業兼同編修國朝會要武騎尉賜緋魚袋臣强  
淵明及朝散郎試中書舍人雲騎尉賜紫金魚  
袋臣蔣靜等奉敕題額按此序在墓碑前可考  
見三人官資所由

宋趙伯衛題名 在定山

趙伯衛牧仲游紹興己卯九月十七日

右摩厓正書二行字徑寸餘伯衛紹興間爲錢  
塘令見縣志



宋梁安世等題名 舊在曇山

梁安世次張鄭濤次山淳熙癸卯六月四日偕游  
右題名今已不可覓想爲斲石者所損矣梁安  
世宣平人登紹興二十四年張孝祥榜進士見  
浙江通志又處州府志作麗水人又云安世少  
穎異雅志讀書過目成誦與張孝祥爲忘年友  
淳熙間由進士自大農丞出守韶州累官至轉  
運使所著有遠堂集又俞文蔚吹劍錄括蒼梁  
民懷首創民兵捍禦方臘有功郡縣議上聞民  
懷不肯旣得子名安世年十九登科安世字次

定鄉小識卷十五

九

張官至司農丞廣西漕次山爵里無攷卽當時  
築園亭於曇山者也癸卯爲淳熙十年先於朱  
文公題名之歲凡十二年劉昌詩蘆浦筆記淳  
熙辛丑予客桂林運使梁次張舉似石芥詩今  
未忘也擷根山石貯瓶罌柱後緘題見者頽風  
味莫嫌無醞藉杯杓甚解作聰明願言則噫傳  
心事搔首踟躕散宿醒最中徂徠名道地至今  
奸膽亦魂驚按辛丑前此游二年則此游在漕  
廣西後矣

宋清虛洞天四大字 在曇山仙人洞內

清虛洞天 紹熙三年夏五月癸巳刊

右四字篆書大徑尺許右題識十字一行正書  
仙人洞內一巨石橫出如臂狀欲拏壓人此書  
仰鑿石面遊人仰觀翹頷脫幘不知當日何以  
書刻也歛不著名想亦鄭次山輩所爲

宋朱文公題曇山詩 在曇山棋枰石南側石壁上  
頽然見茲山一一皆天作信手銘巖牆所願君勿  
鑿

右廿字正書二行每行十字左行文公初游曇  
山所題也君者指山主鄭次山曰頽然有乍觀

定鄉小識卷十五

十

之意特不知初遊爲何時耳聶氏錢塘縣志引  
朱子紀事次是詩於紹熙寅甲題名後云因題  
石上云云則誤爲重游時事矣且不知詩字左  
行復以信手二句爲起非是摩厓低傍游屐石  
蘇頑蝕倉卒莫辨

宋朱文公重游題名 在曇山仙人洞側

紹熙甲寅閏十月癸未朱仲晦父南歸重游鄭君  
次山園亭周覽巖壑之勝裴回久之林擇之余方  
叔朱耀卿吳定之趙誠父王伯紀陳秀彥李良仲  
喻可中俱來

右六十二字正書摩厓共十六行每行四字末  
行二字字徑二寸文左行縱一尺四寸橫四尺  
四寸聶氏錢塘縣志引朱子紀事壑作泉裴回  
作徘徊定作寶誠作城紀作純俱誤考甲寅爲  
紹熙五年光宗升遐寧宗初立文公以丞相趙  
忠定公薦除煥章閣待制閏十月十九日面對  
忤韓侂胄去國寓居西湖靈芝寺癸未乃是月  
二十六日南歸蓋歸閩也兩浙金石志乃云宋  
史光宗紀紹熙二年三月詔福建提點刑獄陳  
公亮知漳州朱熹同措置漳泉汀三州經界此

定鄉小識卷十五

十一

云南歸自閩還也則爲辛亥年時事盡誤又以  
曇山爲定山可中訛作可忠並非從游弟子可  
知者林擇之古田人名用余方叔上饒人名大猷

王伯紀金華人

名漢

李良仲平江人

名紀見錄云朝聞

元年韓侂胄欲逐趙忠定遂禁僞學朱文公去國寓居西湖靈芝寺平江木川李杞獨叩請得窮理之學有紫陽傳行於世卽是此人但公去國實於甲寅葉氏以爲慶元年非也餘

俟續考湧幢小品云晦翁門人可考者三百三  
十八人無考者五十三人之數君者其在無考  
之列與鄭次山名濤見風水洞石刻是書剛勁  
適肅確爲文公手書蘇氏以爲用筆結體不似

朱子他刻疑屬弟子代書非也且厓石完好波  
畫明麗首數行公題名處石瑩潔如常搨之碑  
精采倍常疑有神護可寶也錢塘湖上諸山公  
未嘗有題刻惟此山兩題而已詩略漫漶不易  
搨是書搨本好事往往裝池成卷詫爲希有乃  
兩題尙見聶志而魏氏邑乘略而不錄何歟

蘇愔元

字厚子號芝樵桐城布衣

### 書朱子袍鄭次山園亭題名後

此摩厓題名在杭州西南定山村西曇山仙人洞  
側西距風水洞二里餘茲山巖石玲瓏最可游覽

### 定鄉小識卷十五

十二

按紹熙甲寅朱子年六十五歲寧宗初卽位丞相  
趙公汝愚首薦朱子七月自湖南定撫召赴行在  
八月除煥章閣待制兼侍講朱子屢辭不允十月  
五日乃受命時韓侂胄擅權朱子連上疏論還內  
過宮山陵朝綱四事閏十月十九日面對又極言  
左右竊柄之失侂胄大怒寧宗亦不悅是日遂以  
御批罷侍講除宮觀趙公袖御劄還上固諫侂胄  
遣中使徑赴外朱子上奏謝遂行立朝止四十六  
日耳十一月還考亭癸未乃二十六日正去國將  
歸時也鄭次山不見文集語類林擇之等皆爲弟

子擇之名用中古田人爲高弟從游最久朱子甚愛重之余方叔名大猷上饒人文集有答問李良仲名杞平江人語類有記甲寅所聞其餘俱不見文集語類王伯紀名漢金華人魯齋之叔見弟子考又按此書用筆結體不似朱子他刻或弟子之代筆歟從來聖賢之仕也皆因小人沮之蓋不能得聖君明主而事君旣厭正言之逆耳而小人又復多方排擠是以道不能行席未嘗煖而卽去國古聖賢皆同一轍也君子惡小人之誤國小人惡君子之異己君子欲去小人往往勢孤力弱而反爲小人所中小人欲去君子則黨眾力齊而讒害君子殆盡矣吁可慨哉錢塘沈君象元家茲山下以題名搨本贈余余因此繫乎朱子出處文集未載志乘亦不著故裝潢而識其大略云

附詩

曇山讀朱文公題名詩

鳳皇翔千仞訓狐嘯喬枝僉壬枋國政君子歌雉噫賢奸邪正不兩立人國治亂恆視斯三月未暖司寇席五鼎反感臧倉辭坐致生民日板蕩千秋論世徒傷悲南渡四葉帝當璧紀年未更仍紹熙

歲在甲寅秋七月公正安撫湖南陞宗英賢相老  
憂國經紙首薦王者師煥章待制兼侍講煌煌宣  
詔騰丹墀十月五日始受命乃淹兩月何逶遲鋤  
刈芝蕙植蕭艾定知暮氣難支持抗章屢辭不獲  
命遂疏四事陳便宜致君堯舜恨無術疇殛鴟咬  
升皋夔是時平原弄威福熏天意氣如窮奇山河  
半壁入牛角輒思陸手燕雲窺閨月十九公面對  
極言左右羅梟鴟公盜太阿召敵衅天下岌岌當  
阡危老臣不言罪合死陛下不信盍三思觸忤權  
倖拂上意遂降御批除宮祠投閒幸不籍邊瘴尙

定鄉小識卷十五

十四

免謫逐加鞭笞丞相袖劄亟還上固諫不聽私吁  
噉飄然去國上奏謝不遇有命夫何疑立朝四十  
六日耳小人得志時難爲從此慶元禁僞學榜堂  
不殊元祐碑要使正士一網盡乃得恣睢行朦欺  
理學晦蝕兵氣熾後來戎禍叢開禧魏公地下應  
震怒赤吾族者其纖兒勢敗朽臚竟函北此舉直  
晒南朝衰公歸非特見幾早要揭大道同朝曦徘徊  
戀闕不忍去寓公湖上棲靈芝時公年己六十  
五道氣偉健神冲夷考亭歸去實冬仲此行正際  
將歸時癸未日當二十六按朔猶得推幹支從游

侍杖九高弟門墻觥觥尊聞知余王吳陳趙朱喻  
攀龍附驥聲遐施其間林李更傑出直以孔室顏  
曾期公卽鬱快不竟用巖壑入手心爲怡況茲奇  
秀甲吳越鬼斧鑿削疑神倅名山偃蹇晦幽僻恥  
與世俗爭妍媸幸入道眼乃異數如人遇合有偶  
奇不見錢塘山萬疊公跡未到氣象卑錢塘諸山  
公題名惟  
此而風霜摧盪特完好大書深刻神淋漓伸鉤屈  
鐵氣獨厚剛健時露孤雄姿忠義激發入翰墨六  
十二字蟠坤維老腕未信師魏武何事更數繇與  
羲光怪熊熊照幽夏天神祇敬驚魁魑縱橫四尺

定鄉小識卷十五

十五

有六寸精采敢許落華滋素志子不玩山水直欲  
四海均平治道旣不行作歸計假託游覽供委蛇  
公游去今七百載蒼厓闕蹟驕荒茨萬厓縣令頗  
搜采掌錄紀事徵參差南樂續志總鹵莽賢蹟照  
眼胡見遺康熙中錢塘令  
魏嶠南樂人儀徵相公癖嗜古兩浙  
持節搜碣彛移榜獅嶼惜地舛羸繆卻要重刊劓  
隱侯子孫我良友私懼滅沒登屣屨雲章手抉功  
特偉瓊杵不憚荆榛披沈君肖雲居近曇  
山曾手拓示余寶持矜  
貴未易得每逢佳士亦分貽海內自今識公筆衣  
冠拜讀無瑕疵龍眠老人蘇厚子殷勤題後垂涕

洩道此繫公出處節斯文未喪今在茲但疑使筆  
結體別苦引他刻分澗淄甲寅之游實再至初游  
早鏤銘巖詩願君勿鑿意戒切天然靈秀毋殘糜  
德默逐利彼何識城門火乃殃及池少讀公書愛  
公筆護持端賴良有司矧召崑崙帝囚出羽妖夜  
嘯聲嘻嘻毀侮先賢更宜罪庶幾伸法威氓蚩

山旁

居人采石燒灰毀摩厓數處去題名近勢將及  
且損山脈屢召火患余與沈君請縣令禁之我

家去山十里近支笻捫厯行忘疲但恨園亭主人  
去寒烟蒼莽橫無涯山中誅茅計倘就臨摹不用  
師雲麾

定鄉小識卷十五

十六

宋雲泉靈洞四大字 在雲泉山風洞下大石壁

雲泉靈洞

皇祐庚寅元居中篆院僧忠信命蔡才院僧口立  
右大字篆書分兩行行二字大徑丈許書法遒  
古雄健偉爲鉅觀石壁挺立前撲可以避雨無  
風霜之虐苔蘚之蝕不溜不剝故至今精采異  
常惜乎游筇罕經幽厓永闕潛君高之流遂不  
知是山有雲泉之號歟字一行正書庚寅爲皇  
祐二年先於熙寧之游二十年矣錢塘元氏爲  
甲族少師元絳位至丞弼居中當亦錢塘人也



兩浙金石志元居中邵武人康定元  
年以將仕郎任唐興令當必有據 居中嘗知

歸安縣事見湖州郡志後知宿州見泗上錄

錄元居中作宿守郡有官妓小蘇善歌舞令就  
座客關彥長求詩贈詩云昔日聞蘇小今朝見

貌得似小蘇無 又治平四年有提刑元積中立

石鹽橋運河岸事見東坡請開河狀當即居中

昆仲又居中有題錢塘千頃院瑰石詩云人久

眾所憎物久眾所惜為負磊落姿不隨寒暑易

見杜綰雲林石譜

宋祖無擇等題名 在雲泉山風洞下石壁

祖無擇沈振元居中張先熙寧己酉孟秋晦日偕

定鄉小識卷十五

十七

游

右篆書五行每行四字字徑八寸文右行完好

無損按祖無擇字擇之上蔡人進士高第治平

四年十月丁未以右練議大夫加龍圖閣學士

知杭州明年神宗即位改元熙寧己酉為熙寧

二年正典郡時也邵氏聞見錄祖無擇登甲科

與王介甫同知制誥熙寧二年介甫參知政事

時無擇知杭州介甫密諭監司求無擇之罪使

御史王子韶按治無所得坐送賓客酒三百小

瓶責節度副使安置元豐中復祕書監集賢學

士移知光化軍卒士大夫冤之張先字子野吳  
興人天聖八年進士卽張三影也是游祖擇之  
有慈嚴院詩元居中張子野俱有慈嚴院上祖  
使君詩沈振錢塘人字發之以大祠郎起家累  
官至司農少卿見沈遼伯少卿埋銘遼言振以  
熙寧六年卒年七十三則來游時已六十九矣  
而子野正八十亦老健哉

澗水燕談錄錢塘沈  
振蓄一琴名冰清卽

人是

宋周之祥等題名 在雲泉山風洞下

元祐癸酉八月二十一日周之祥履中何志同彥

定鄉小識卷十五

十八

時黃策子虛來游

正書左行分四行首行八字次行七字三行六  
字末行五字周之祥何志同黃策見元祐黨籍  
碑餘官第三十三黃庭堅太學試院題名記敘  
元祐三年東坡知貢舉時點檢試卷官有履中  
當卽周之祥也志同龍泉人元祐辛未馬清榜  
進士初校讐麟閣靖康中金寇穎昌守臣曾開  
懼宰相以志同代至郡勵士死戰會虜以數萬  
騎至不敵城陷志同委子女挺身出招散亡時  
高宗以大元帥開府濟陽志同率范垺等三十

騎赴之上見嘉賞先志同嘗密啟南都祖宗興  
王地請正位號及移蹕南都復申前請從之以  
志同攝大尹見處州府志策字子虛彥之子中  
進士乙科爲雍邱縣主簿元符末詔許中外言  
事時昭慈旣復位號典冊有未盡正者因上書  
引古義力爭之崇寧初黨論起名人黨籍羈置  
登州會赦還鄉里遂休官號隨緣居士欽廟嘗  
書隨緣二字賜之建炎中追錄黨人除直祕閣  
見龔明之中吳紀聞癸酉爲元祐八年書法頗  
肖黃涪翁完善無殘損可玩也

定鄉小識卷十五

十九

唐李幼清題名 在雲泉山水洞

睦州刺史李幼清元和元年十一月廿九日題

右正書兩行行九字字徑寸餘左行完好李幼  
清新舊唐書無傳浙江通志李幼清憲宗時爲  
睦州刺史元和四年任據題名則元年已典郡  
矣

唐李夷簡題名 在雲泉山水洞

饒州刺史李夷簡 游元和二年四月十二日

赴

下缺

右正書兩行首行簡字下缺次行赴字下缺字

大者二寸餘小者僅四分之一在李幼清題名  
右同一厓左行李夷簡字易之為鄭王元懿後

舊書李宗閔傳宗閔室鄭王元懿之後父翻翻兄夷簡元和宰相 新書本傳

云元和時官至御史中丞京兆尹楊憑性驚悅  
始為江西觀察使冒沒於財夷簡為屬刺史不

為憑所禮至是發其貪貶臨賀尉史但言屬刺

史觀此刻知即守饒也舊書楊憑傳祇云在巡

屬更疏矣憑在江西夷簡自御史出官在巡屬憑頗疏縱不顧接之夷簡常切齒

又夷簡刺饒替李吉甫舊書憲宗紀永貞元年八月以饒州刺史李吉甫為考功郎中知制誥蓋

吉甫內召而夷簡往代也 所云赴者當是召為

定鄉小識卷十五

二十

刑部郎中赴京闕也舊書憲宗紀不載夷簡刺

饒及內召刑部事惟元和四年書以刑部郎中

侍御史知雜李夷簡為御史中丞則自永貞元

年刺饒次年即元和 至元和二年內召刑部郎中

四年而擢御史中丞宦蹟灼然矣或曰如是時

赴闕宜書新銜不應尚題饒守想別有公赴耳

然石墨無語姑存疑

唐武儒衡題名 在雲泉山水洞

聶都團練 前國子監四門助教武儒衡元和

二年二月廿日題

右正書五行首行練字下缺次行前字上缺一  
字左行考武儒衡河南緱氏人宰相武忠愍元  
衡從父弟舊唐書本傳云武儒衡字庭碩憲宗  
以元衡橫死王事嘗嗟惜之故待儒衡甚厚累  
遷戶部郎中十二年權知諫議大夫事尋兼知  
制誥然儒衡守道不回嫉惡太甚終不至大任  
尋正拜中書舍人遷禮部侍郎長慶四年卒年  
五十六其題名所敘官秩則未遷戶部郎中前  
職也儒衡爲人偉直明俊嘗疏劾皇甫鎛尤見  
忌於令狐楚鄙元稹依倚內官風節粲然是書

定鄉小識卷十五

二十一

端勁類顏魯公肖其爲人又按職官志上元後  
改防禦爲團練守捉使又與團練兼置防禦使  
名前使名有副使判官皆天寶後未見品秩又  
國子監四門助教從八品上階

唐鄭敦禮題名 在雲泉山水洞

殿中侍御史內供奉鄭敦禮元和元年五月七日  
赴新定

右正書左行四行首行六字次行五字三行八  
字末行定字下缺是書大者徑二寸小者四分  
之一雄健端厚有力絕類顏書家廟碑蓋唐自

肅代後顏書盛行風會使然也鄭敦禮生平無  
考殿中侍御史從七品下階掌殿廷供奉之儀  
式故稱內供奉

唐盧績等題名 在雲泉山水洞

范陽盧績元和四年十月廿五日時績攝富陽令  
鄭暉裴損後到

右正書四行首行七字次行九字三行七字末  
行二字完好無剝蝕大者徑二寸許惟月日字  
差小書法亦類魯公而雄偉中參以倜儻不縛  
於法盧績鄭暉裴損俱無考績令富陽郡邑志

定鄉小識卷十五

二十一

亦未載可補富春職官表損或釋作墳非是兩  
浙金石志載此廿五下缺日時績三字鄭字下  
缺暉裴損三字定香亭筆談陳默齋騎尉訪碑  
至定山得唐元和間題名四種皆昔賢所遺足  
補志乘也按定山宜作雲泉山

唐沈岫題名 在雲泉山水洞

吳興沈岫 元二年正月卅日題

右正書左行三行首行岫字下缺次三行各四  
字字徑寸五分完好可讀紀年不知何元考唐  
年號繫元字者高宗上元玄宗開元肅宗乾元

德宗興元貞元則此書尤在元和諸題名前沈岫無考湖州郡志載唐有孝子沈嶠岫豈其羣從歟

唐李 舉等題名 在雲泉山水洞

監察御史李 舉杭州刺史曹全 試大理司直王

右正書三行隨厓之長短書之每人官秩姓氏爲一行其末王某行厓促字遂縮疊無有年月監察御史舊書職官志正八品上階大理司直從六品上階曹刺史名缺不可識自來郡志未

定鄉小識卷十五

二十三

有載者此與沈岫題名雖莫定其實然爲唐人無疑也兩浙金石志云此與元和題名爲山陰陳總戎廣甯掇得皆向來著錄家所未見

宋許道孚題名 要雲泉山水洞內

景祐四年 月二十九日吳門許道孚

右正書左行分三行斜書首行七字次行五字末行三字書法秀峻如虞永興

宋才翁題名 在雲泉山水洞左右厓

才翁題名洞中

右正書六字左行二行每行三字大徑二才許

完整如新惟洞字略損才翁爲蘇舜元字蘇別於洞中題名故標識於外按西湖志千佛頭有才翁題名云皇祐元年己丑九月提點兩浙守尙書度史員外郎蘇舜元立石此刻當亦其時所作然洞中之題則無可覓矣

下缺

宋蘇文忠題名 在雲泉山水洞上石厓

蘇軾子瞻

右正書在游茂先題名右連厓相屬考東坡烏臺詩案熙寧七年爲通判杭州於正月二十七日游風水洞當年再游風水洞而王梅溪蘇詩

定鄉小識卷十五

二十四

江引詩案作六年其後王宗稷東坡年譜作七年傅藻紀年錄作六年而邵長蘅以爲年譜誤則是題當在六年也然是年正月及八月望兩度皆與節推李佖同游後出典杭郡時於元祐六年二月相視石門新河經道水洞亦有侯敦未葉淳老張秉道從行則必同題乃僅存四字并無年月歎識意當黨禁時剗去而後人影樞他書眞蹟就厓隙補刻者今字內及右旁隱隱有字痕蓋其先曾有他題名也

咸淳臨安志坡  
碎杭凡三年足

跡徧湖山如楊村風水洞  
遠在五里外游且再至



宋魯有開題名 在雲泉山水洞內

開元翰過此熙寧八年

十二月十八日

右正行書僅存三行首行五字次行五字三行五字其開字前數行已缺矣字大徑二寸漸次斜漫向東與許道孚題名連厓其書法亦類東坡考元翰爲魯有開字扶風人施注蘇詩云元翰名有開乃肅簡公之姪自知南康代還王介甫問江南如何元翰對新法當爲異日患介甫怒僅得倅杭公時亦爲杭倅與魯同官魯先代

定鄉小識卷十五

二十五

去七卷有壽星寺餞魯少卿詩卽元翰也按東坡又有送魯元翰少卿知衛州詩後守杭又有以東川清絲寄魯冀州戲贈詩此魯後來官資也在杭嘗與東坡游覽如靈鷲寺題名云熙寧七年楊繪魯有開陳舜俞蘇軾書石屋洞題名云熙寧甲寅十月二十五日扶風魯元翰游石屋洞君彥君亮侍行南屏題名云魯元翰熙寧乙卯仲百再游下天竺題名云楊繪元素魯有開元翰陳舜俞令舉蘇軾子瞻同游熙寧九年九月二十日此題與南屏石刻同是年也或者

釋開作關緣古無開姓以爲關元翰不知是行  
適首開字其前行魯有二字已缺故也其題識  
正與下天竺相同又右邊缺處似非僅一行安  
知不與東坡俱游而同題耶

宋游茂先題名 在雲泉山水洞上石厓

建宋游茂先行按浙東晚宿慈嚴元符二年八月  
二十六日男抃侍行

右正書作四行寫首行五字次行五字三行六  
字末行七字左行其男抃侍行四字在左邊別  
一行寫字畫完美如新鐫神采煜發用筆結體

定鄉小識卷十五

二十六

頗似東坡厓又旁連東坡題名不知者遂誤爲  
蘇書游茂先按浙事蹟無考抃字或釋作林或  
釋作柞

宋陶定題名 在雲泉山水洞

新江西提點刑獄吳興陶定被旨奏事乾道庚寅  
夏六月癸亥來游

右正書左行分五行每行六字末行二字字徑  
寸餘有數字略損可識庚寅爲乾道六年其來  
游則自豫章赴行都所經也陶定嘗爲龍游令  
范石湖驂鸞錄乾道癸巳歲正月十二日宿龍

游縣龍邱驛未至有長橋前令陶定所作又浯溪橋上僧舍卽漫郎宅有陶定書中宮寺榜

宋趙忠定題名 在雲泉山水洞

開封趙汝愚爲正字時聞艾軒 風水洞寺

家也九年秋七月解后同游

右正行書分三行每行十字次行中三字漫蝕不可辨忠定以宗室之賢屏翰羸統其後爲丞相忤韓侂胄竄死稱開封者以原籍汴京示不忘中原之意艾軒林光朝字林閩人赴七閩必道此意艾軒將歸閩中故留寺也風水洞寺卽

定鄉小識卷十五

二十七

慈巖寺寺以洞名標勝也今俗猶呼風水寺九年當屬乾道癸巳乃不書紀元支幹亦創文也解后卽邂逅古通宇或釋聞爲關家也爲寧己解爲卧俱非是此題書法秀逸而勁挺忠鯁之氣溢於行墨

宋淳熙丁酉題名 在雲泉山水洞

定 敦同 山 勝概自西 過

淳熙丁酉六 有五日 必 卿

右行書摩厓分五行每行八字可識數字外雖

隱隱有波磔痕如山字下若溪字過字上若祖  
字日字下若淨字然究漫滅莫定也丁酉爲淳  
熙四年

明大塊一竅四大字 在雲泉山水洞上石厓  
大塊一竅 萬厯二十一年九月九日楚郢國人  
湯沐書

右正書橫列洞上如題楣然名歎在大字左旁  
別一行湯沐安陸人進士明萬厯二十年知錢  
塘縣事書法姿媚柔脆未見佳勝鐫刻亦淺陋  
略曰水洞名勝游人每心醉焉而唐宋題名止

定鄉小識卷十五

二十八

此白太傅林處士趙清獻張天覺諸君雖嘗游  
覽未留煙瀋其他如魯元翰許道孚題名中間  
有二月初七日字痕大小參錯重疊蓋緣前刻  
漫漶而後復加刻者又洞外一厓僅存慈相江  
湖以清亦乃八字文義破碎俱不著錄元明以  
來祇見湯令四字可慨也已

宋曾旼慈嚴院碑記 舊在慈嚴院今不存  
文詳楚剝志  
明重修慈嚴寺碑 在慈嚴寺

賜進士第文林郎河南廣東二道監察御史侍經  
筵講官三奉命巡按山西江西河南等處地方許

子良撰

賜進士出身中憲大夫奉敕提督學校河廣等提  
刑按察司副使金學曾書

賜進士出身迪功郎行人司行人沈瑞臨篆

右碑文凡四百五十八字字徑八分首篆重修  
敕賜慈嚴寺碑記九字未題萬厯八年歲次庚  
辰孟夏上浣吉旦本山住持老僧雲谷房玉澄  
立石二十七字又有陳美鐫三字許子良金學  
曾俱錢塘人同登嘉靖戊辰進士後皆官至都  
御史沈瑞臨未詳是碑向列寺中殿宇既燬仆

定鄉小識卷十五

二十九

臥榛莽間牧兒蕘童嬉戲蹴踐文漸磨損更十  
數年必爲沒字碑矣文載梵刹志

宋皇祐元年朱宥等石刻 在新嶺

錢塘縣安吉 三大戶朱宥 奉引修路與了皇  
祐元年六月日三大戶朱宥趙訓楊治

右六行字徑二寸年月字徑寸餘

吉下疑鄉字  
宥下疑等字

宋石刻 在新嶺

錢行 修路 方佛 定光佛

熙伍年

右六行字大者徑三四寸小者僅寸許以行書

兼篆意如六朝人筆法末紀年熙上缺一字考  
宋紀元押熙字者凡四雍熙淳熙紹熙嘉熙而  
雍熙嘉熙均止四年則此刻非淳熙卽紹熙矣  
顧漫漶多不可辨修或釋作條

宋定明院石刻 在新嶺

定明院修造東廊了

右正書字徑三寸兩行無年月款識當亦宋刻  
新嶺爲達富陽要道前有修路諸刻疑院僧修  
造東廊募有餘資於此除道故以是起義其下  
必敘及修路之文特剝漫耳不然定明造廊何

定鄉小識卷十五

三十

與新嶺事而大書深刻於此耶

明永壽庵重建天王殿碑記 在王安寺

碑大略言正德間殿燹於火至是復建之繇未  
題大明嘉靖三十年歲在辛亥季秋中澣吉旦  
立里人翁某名剝漶莫辨撰崇州張山寺晚釋眞川  
書僧祖道立石碑係睦州麤石字多缺損無可  
玩者碑陰爲捐施人姓名永壽庵卽王安寺也  
文詳梵剎志

附金刻

明慈嚴寺銅鐘 在慈嚴寺

正統十二年歲在丁 十月吉日置 鎮靜

僧眾安 法輪 吉祥如意者 寺

僧 法師 饒 法暲 法昇

植 正 正 正心

達 模 身 安 洪四

恩

浙江紹興府山陰縣天樂鄉馨浦里麻溪村清化

山寶嚴寺前住山比邱惠璣寓 金臺募緣鑄造

洪鐘一口計重一千斤恭入本寺永遠扣擊專祈

普報三有均資法 有情同緣種智吉祥如意者

定鄉小識卷十五 三十一

仍將功德莊嚴 開山和尚純一歷代祖師泊及

前顧項本亨胡豹宣雄劉氏妙勝父宣子貴母蔣

氏妙 周伯璣伯 伯名伯清金真 顧氏王延

壽俞仲良俞福廣福成傅氏妙 張妙喜周焜

敬未英石孟兆王願吳 宗施廣 葉妙定沈

芳吳氏鄭氏高愷崔氏 李旭王能王氏

妙金葉順施彬 傑党氏朱氏妙金

助緣信士葉叔敬妻翁氏女妙貴男文斌文進湯

成追度故父葉大友宣 沈完二孺人信士葉敏

昌妻孫氏弟葉時敏方氏信士梅道安妻陳氏妙

員男道清男婦胡氏妙果力梅春信官孫魯諧豫  
信士姚榮信官姚淵信官潘安王喜趙名信士姚  
伯璣伯澄溫福山姚氏胡普明母陳氏丁壽杜文  
顯胡世昌鍾寧陳得寧

右四面正書字徑五分按欵識鐘乃越中物重  
大非可肩挈何遂得至慈嚴殊莫解測豈惠璣  
初本越僧後嗣法慈嚴猶蒙初號耶然慈嚴開  
山爲晉齊法師與此所稱純一者殊異則固清  
化山物也今以在慈嚴久錄諸

明慈嚴寺銅點 在慈嚴寺

定鄉小識卷十五

三十一

慈嚴寺住持僧宗智檀越鄭彥章大明成化二年  
冬月吉日

右三行正書字徑寸

明慈嚴寺鐵磬 舊在慈嚴寺今在靈山新廟  
慈嚴寺本山僧眞祥 如云 承慈 海潮

寂觀 寂然 寂宗 照欽 照陞

照華 普化 普鎮 普順 普詔

通聖 通曉 智才 智暎 大信 信人

美賢 陳子明 趙瑞 華子 吳道

堅 陳實性 沈文俊 宋廿七 楊



仲庚 方武仁 本山沙彌普文立 萬曆三十  
三十吉旦

右正書十六行字徑五分不知何時移入靈山  
明大湖廟鐵鼎 在大湖廟

使士張棠男張盛張慨孫兆麟兆虬兆熊供立萬  
年樁火祈保一境榮昌吉祥如意者明天啟丙寅  
年

右正書十三行字徑五分

大湖廟鐵燭臺 在大湖廟

信士張斯文弟 母鄭氏妻 氏媳繆氏姪

定鄉小識卷十五

三十三

耀光煜光 人

右正書五行字徑五分

信士張

右正書兩行

大湖廟鐵瓶 在大湖廟

信士張 母 配

右正書五行字徑五分

靈山鐵鼎 在靈山新廟

杭州府錢塘縣安吉鄉 里喜捨信士 應全

祈保 吉慶人眷平安福有所歸家

右正書十四行字徑五分鐵燭臺及此年月漫  
漶大約明物也

西渡庵銅鐘 在東江渚西渡庵

定鄉小識卷十五

定鄉小識卷十五

三十四